



**PELAJAR bersama pihak penganjur dan SKMM.**

# 261 pelajar sertai #BEWISE

UB 14-6-2018 B2

**KOTAKINABALU:** Seramai 261 pelajar Kolej Tingkatan Enam Kota Kinabalu menyertai program #BEWISE: Kempen Kesedaran Etika Penggunaan Peranti Komunikasi, pada Selasa.

Program yang berlangsung dari jam 2 sehingga 4.30 petang itu dianjurkan oleh pelajar akhir Ijazah Sarjana Muda Perniagaan dengan Keupujian (Pengurusan Perhotelan), Universiti Malaysia Sabah (UMS) dengan kerjasama pihak Suruhanjaya Komunikasi dan Multimedia (SKMM) Sabah.

Pengisian ceramah disampaikan oleh Mohd Saleh Hamsah selaku penolong pengarah Pejabat Wilayah Sabah Sabah dan Persekutuan Labuan di bawah Unit Pematuhan dan Kawalselia.

Objektif kempen adalah untuk memberi kesedaran kepada para pelajar yang terlibat untuk lebih mahir dan berhati-hati dengan penggunaan gajet yang semakin melonjak kini di mana, ia mendorong kepada jenayah siber yang semakin kerap berlaku di Malaysia terutamanya dalam kalangan pelajar.

Objektif lain, mendedahkan kepada mahasiswa dan mahasiswi tentang cara untuk mengurus dan menjalankan program. Ia seiring dengan



**PENGISIAN daripada Saleh wakil dari SKMM.**



**PERTANDINGAN menulis karangan.**

subjek teras Kursus Pengurusan Perhotelan, Operasi Acara Khas yang merupakan salah satu subjek wajib sebelum mereka menamatkan pengajian.

Pengisian yang disampaikan

oleh Saleh merangkumi jenis jenayah dan hukuman yang akan dihadapi oleh pesalah sekiranya didapati bersalah.

Selain itu, beliau juga menerangkan tentang langkah pencegahan menjadi mangsa dan apa yang perlu dilakukan sekiranya menjadi mangsa jenayah siber. Seterusnya, menerangkan dengan lebih jelas lagi peranan SKMM dalam bidang komunikasi.

Program itu juga diselangi dengan tayangan video dan pertandingan menulis esei yang bertemakan 'Jenayah Siber: Pemusnah Generasi Muda'.

Program diakhiri dengan penyampaian hadiah kepada para pemenang dan cenderahati kepada pihak SKMM dan sekolah daripada pihak penganjur.



**SERAMAI 261 pelajar Kolej Tingkatan Enam menyertai program itu.**